

Reunión da Comisión de Formación de Profesorado. 24-outubro-2008

Asistentes:

Francisco Javier García Núñez

Xosé Antón Vila Sobrino

Manuel Megías Pacheco

Ésta é unha síntese da primeira xuntanza da Comisión delegada da Xunta de PDI sobre formación do profesorado, na que cada un dos participantes fixo propostas para mellorar distintos aspectos do programa de formación do profesorado. Todas elas discutíronse e finalmente encadráronse en tres grandes apartados:

1) **Programa de formación de profesores noveis.** A calidade da docencia, en gran parte, está baseada na preparación e formación docente do profesorado. Con todo, paradoxicamente, esa formación conséguese coa experiencia adquirida nas propias aulas e por iso:

Propoñemos un programa de formación para o profesorado novel. Este programa debería comprender diferentes aspectos como a preparación pedagóxica, metodoloxía docente, avaliación, coñecemento e uso das ferramentas propias da Universidade de Vigo, etcétera. Este programa debería ser obrigatorio e suporía unha exención de docencia durante a súa realización.

2) **Facilitar a asistencia dos profesores aos diferentes cursos de formación.** En numerosas ocasións existen impedimentos para que os profesores asistan a cursos de formación nos diferentes campus da Universidade de Vigo, ou doutras universidades: desprazamento a outro campus, número de prazas reducido, coincidencia con actividade docente, etcétera. Por iso:

Propoñemos unha serie de actuacións para facilitar a asistencia do profesorado a aqueles cursos que considere de interese: facilitar o desprazamento a outros campus, ou mesmo a outras universidades, mediante dietas de mobilidade, repetir cursos con alta aceptación nos diferentes campus, crear infraestruturas para que aqueles cursos que se poidan impartir en liña poidan ser atendidos desde todos os campus (por exemplo, con salas de videoconferencia), permitir flexibilidade (cambio de horarios) nas tarefas docentes para que o profesorado poida atender aqueles cursos que considere oportunos, etcétera.

3) **Mellora continua do programa de formación.** Calquera programa de formación debe estar en continua evolución para ir mellorando e adaptándose ás necesidades dos potenciais alumnos. Contar coa opinión do profesorado é clave para esta mellora permanente. Por iso:

Propoñemos a realización de enquisas periódicas a todos os profesores, non só aos que asisten a un determinado curso, sobre a utilidade ou non dos cursos actuais e sobre todo que opinen sobre as súas necesidades formativas e propoñan actuacións para cumprimentalas. Tamén solicitamos ao Vicerreitorado de formación que a Xunta de PDI, e por iso a comisión de formación do profesorado, teña acceso ás enquisas que xa se realizan nos diferentes cursos de formación.